



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 163. Laurentius Valla damnatus ut hæreticus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

tulit, sed usque ad abdicationem Felici-
 cis in fide Basileensium perstitit.

Sæcul. XV.
 A. C. 1447.

§. CLXIII.

*Laurentius Valla damnatus ut
 hæreticus.*

Eodem anno Laurentius Valla Patricius Romanus, & Ecclesiæ ad S. Joannem in Laterano Canonicus Neapoli ab Inquisitoribus pro Hæretico damnatus est. Factum hoc Poggius prolixius enarrat, observans, Laurentium nonnisi beneficio Alphonsi Regis, quem latinas literas docuit, poenam ignis evasisse, nec tamen Regem auctoritate sua impetrare potuisse, quo minus virgis privatim & manibus post tergum ligatis per claustra monasterii Prædicatorum cæderetur. Idem Auctor Laurentium errasse innuit in Mysteriis fidei de Trinitate, libero arbitrio, & Virginitate Sanctimonialium, necnon ad tantam prolapsus fuisse temeritatem, ut magna illa Ecclesiæ luminaria, Augustinum & Hieronymum, Boetium, aliosque damnare non dubitaret. Quia vero Poggius cum præfato Canonico ob latini sermonis elegantiam acres fovebat similtates, ipsius testimonii fides merito suspecta esse videtur, præcipue cum alius modernus Scriptor totam hujus facti narrationem mere confictam esse

Sæcul. XV. esse contendat, ac vel ideo velut fabu-
A.G. 1447. lam exsufflandam censeat, eoquod Lau-
Dupin. Bi- rentius Valla Romam redux, constituta
bliot. Script pensione annua Magistri publice docen-
tom. 12. in 4 tis munere functus esset, quod certe Ro-
pag. 94. ma non tulisset, si tanta labe notatus,
 Neapoli hæreseos damnatus fuisset.

§. CLXIV.

*Angliæ Rex Cenomanum, Madua-
 nam &c. Gallis reddere compulsus.*

Joan. Char- **C**arolus Francorum Rex, cum Anglo-
tier. Histor. rum vires, auctoritatemque haud
Carol. VII. multum in Galliis sibi timendam esse,
 probe cognosceret, minori etiam religio-
 ne eorum amicitiam tueri curabat; cu-
 jus rei experimentum dedit, dum Angliæ
 Regem, quocumque demum etiam belli
 redintegrandi periculo, ad liberandam
 promissi fidem compellere statuit. Equi-
 dem Henricus VI. dum Margaritam Re-
 nati Andegavensis Siciliæ Regis Filiam
 uxorem duxerat, Carolo Andegavensi
 Cenomanensi Comiti Cenomanum red-
 dere pollicitus est, nihilominus non so-
 lum vario sub obtentu urbem restituere
 cunctabatur, sed etiam eandem præsidia-
 riis copiis, quæ ad duo millia ascende-
 bant, munierat; quocirca Rex Carolus
 urbis obsidionem Comiti Dunensi com-
 misit, ipse vero Lavardini ad Agrum
 Vin-